

蒲城新志

一
函
四
冊
函

蒲城縣新志卷十一

知縣李體仁重修

邑人王學禮編纂

人物志下

軍功

漢李必駱甲史記灌嬰傳重泉人故秦騎士高祖在滎陽必甲爲校尉楚騎來衆高祖擇軍中可爲騎將者皆推必甲高祖欲拜之必甲曰臣故秦民恐軍不信願得大王左右善騎者傳之灌嬰雖少然數力戰乃拜嬰爲中大夫令必甲爲左右校尉將郎中騎兵擊楚騎於滎陽東大破之後桓帝延熹中追錄高祖功臣以必後黃門丞遂爲關內侯

隋王辯字警畧隋書本傳少習兵書尤善騎射漢王諒作亂從楊素討平之賜爵武甯縣男遼東之役以功加通議大夫山東

賊帥等寇掠河北、辯進兵擊之、所向皆捷、深爲羣賊所憚、翟讓寇徐豫、擊走之、讓與李密屯據洛口倉、辯與王世充討密、阻洛水相持經年、辯率諸將攻敗密、因薄其營、戰破外柵、諸營已有潰者、乘勝將入城、世充不知、鳴角收兵、翻爲密徒所乘、官軍大潰、不可救止、辯至洛水橋已壞、竟溺死。

唐李子和唐書本傳、本郭氏、隋大業末、爲左翊衛、以罪徙榆林、見郡內大饑、引死士十八人、執郡丞王才數、以不撫百姓、斬之、遂開倉廩、賑窮乏、自稱永樂王、有騎兵二千、南連梁師都、北事突厥、武德元年、獻款、授靈州總管、封金河郡公、進廊國公、襲師都甯朔城、克之、又伺突厥虛實、陰以章聞、爲虜邏騎所獲、於是子和危畏南徙、詔內延州故城、五年、從平劉黑闥有功、賜姓、拜右武衛將軍、顯慶初、轉黔州都督、乞骸骨、許之、進光祿大夫、卒。

金傳佐字公甫素負勇畧值金源初興先鋒婁室勃奇烈掠地陝西佐以小校從招捉使李成攻潛龍堡復與宋兵戰和尚原掩殺無算時廢齊阜昌三年也明年冬破澄城賊於梁山天眷三年紅巾賊據邵陽佐伺隙夾擊賊大潰是歲九月隨元帥撒離喝進復耀州擊走偽守閻琪與其將杜火星等奏凱而還積功至忠武校尉佐家資富厚不樂仕進皇統中旱出粟賑饑民全活甚眾卒之日邑人張建誌其墓

李進懷仁鄉人少以俠聞時兵革未息投充都巡檢使李成麾下遇敵屢有斬獲阜昌二年隨招捉使李孝祥誘降宋閭門宣贊舍人安澤率眾歸附以功授維武校尉四年轉承信郎復加承節郎六年特差邠州宜祿縣尉天德二年授同州倉草場監屢遷奉信校尉年八十九卒

元奧屯貞其先女真人占籍邑之溫湯里遠祖黑風金爵至王父世英元軍民萬戶貞襲父爵總管遼州等路建立奇功階鎮國上將軍官宣慰使追進奉先郡公諡敬敏又有董鐸者漫源人元帝壯其碩偉特授萬夫長副奧屯貞攻戰負有韜略策馬擊河中堡拔之帥師南征立取金州棗陽等城授征南監軍明杜清車渡里人正統十四年也先犯關清以光祿祿應詔從征隸大將石亨麾下衝鋒陷陣斬馘頗多景泰中積功至開平衛所鎮撫俄改京衛英宗復辟累遷後軍都督府都督同知賜以居第成化二年歸老

國朝許占魁字文元順治二年大兵南下占魁以招撫蘇抗功授陽平關叅將時獻逆餘黨猶梗全蜀六年從定西將軍梅勒根入蜀襲偽侯趙榮貴破其軍復出碧魚口設疑兵以遮賊後餘

眾悉降。十一年、遷山西平陽副將。巨寇張武等、久肆劫掠。占魁先分兵守諸隘口、簡精騎二百親將之。乘風雪入山中、擒武等以出。晉地悉平。康熙九年、授延綏鎮總兵。十四年、朱龍叛、進逼榆林。遣逆黨投以偽劄、占魁立集文武僚屬、發其奸事。聞授都督同知。時沿邊城堡、相繼報陷。鎮兵先因蜀警被調、軍伍久虛。占魁與游擊謝鴻儒等、誓眾固守。三閱月不懈。會援兵大至、朱龍伏誅。惟東路神木未下。占魁督兵圍之。遂乞降。捷聞、授世職。拜他喇布勒哈番。襲二次。十六年卒。贈太子少保。謚恪敏。子登龍。年甫冠。朱龍之變、請於父。夜縋而出。詣闕面陳賊勢。及鎮城被圍狀甚悉。賊平、補鴻臚寺少卿。歷雲南臨安知府。巨盜朱六非以妖術煽亂。登龍至、立平之。五十二年卒於官。

張龍驤、陶池人。富而好俠。少時以蠹役事、挺身控京師。卒致之

法道光末有匪人朱大漢忽歎子至縣將爲亂龍驤稟於官均捕斬之以是俠士歸附者眾爲土室於場日與諸豪慷慨悲歌其中好爲人雪不平冤抑者多赴訴以不畏強禦事易白且省訟費也同治壬戌粵匪入陝華州陳茂經約與禦賊時龍驤師事智謀之士張重儒日講兵略遂糾率藩富勇敢數百人往省南截勦捷聞入省見撫軍英頗奇之有忌其功者因薄給以賞且命東追賊而留重儒於省責以必勝龍驤請以官兵爲後援茂經曰無益也彼如敢見賊不在我後我勝彼分其功我敗不能望其救也雖然死國事何傷遂東時賊營渭南之黃家屯龍驤屢戰皆捷髮逆使告曰君有此功可以返矣不應追之入伏中所率勇僅數百伍旣亂人自爲戰攪擾數萬眾髮逆屢勸降戰益力其子功緒欲救父出入重圍三次殺賊數十力竭死虜

戰既久，救不至，餓疲甚。龍驤及茂經死之，諸勇無一降者。後給其孫雲騎尉。

張重儒，羅家莊人，少讀書，不屑章句之學。鉤元索隱，若有夙慧。士通醫理，皆能會悟。入微，嘗布棋子爲八陣，取小鼠謂人曰：「入某門生，入某門死。」試之屢驗。咸豐初，請於縣令，獨任修考院事。時邑中無試院，屢謀興工，皆格於衆議。重儒意不與衆謀，功乃可成也。將以考院兼差，徭局事成，則取諸差餘以給費。故凡買材木，皆以己名署券，而約以成時予其值。旣而竟爲儉人所阻，因避債走京師，用薦入太醫院。數年歸，聞張龍驤名，訪之。遇於同州，拊其肩曰：「君非陶池張某乎？吾聞足下英雄，乃逍遙至此，何也？」龍驤嘆曰：「英雄不遇時耳。」重儒曰：「今粵匪竄河南，入關中，全省震動，此志士立功名之秋也。何爲不遇時哉？」龍驤悅，遂與

俱歸。每事必聽命與之謀。悉中機宜。龍驤之破賊。見撫軍也。撫軍聞重儒才。留以自衛。辭曰。志在殺賊。不願守也。且龍驤徒勇。懼不免於難。卒以會城事重。強留之。龍驤東行。送之關外。戒令戰勝勿追。既聞黃家屯事。痛曰。喪斯人。吾誰與嘔血。卒事聞。給其子琮雲騎尉世職。

袁順順。孟郊村俠客也。回亂作。督團勇大戰於南至道。約各團爲援。兵旣交。賊放牛馬餌之。軍亂援絕。順順以百餘人鏖戰半日死。

張應魁。山東村人。有膽畧。喜任俠。回亂時。集村眾誓曰。賊氛甚惡。吾曹不可束手待斃。此壯士効命之秋也。乃率健兒三百人。搗賊巢。戰廟和村之南灘。不利。退而更募勇士七百餘人。授之陣法。率以南下。氣愈奮。至龍陽。迎戰累日。斃賊無算。繼以眾寡。

不敵爲反旆計、俟由結陣、歷年浮山東麓安堵、應魁之力也。時紅土坡有石窖可藏千人、賊攻之將陷、得應魁救以免。後叅將劉效忠西征過境、見其制軍有法、欲與偕、以親老辭。光緒乙亥、以武藝舉於鄉。

張伯新、字西銘、附貢生、回變起、出家貲合團、教練有法、戰輒勝。傍近諸村、賊不敢犯。後賊大隊至、伯新約罕井團爲援、殺賊數百、團丁被傷數人而已。後又與賊戰、眾敗北、賊以伯新之善戰也、必欲生得之、圍數重、時僅存二三騎、外無救援。伯新仰天嘆曰、今日乃吾致命時也。遂單騎入賊陣而死。

曹丙酉、曹文桂、晉王村人、回匪陷堡、入兩人置六礮於隘巷、僞爲無藥彈狀、賊易之趨進。丙酉藏樹後、見巷中賊滿、呼文桂曰、可矣。發之、霹靂一震、賊仆滿地。文桂從烟箴中竄出、數賊直撲

丙酉碎其屍

淵安國旌士坊人素業爆竹回變作大府檄令製火藥備公用鎮城破賊執安國索火藥且誘以重賂卒不應會其鄰告以貯藥地安國不得已因給賊偕取至則焚之安國雖死而斃賊無算

楊大全孝而俠母歿適出外聞訃號哭幾不欲生素習拳矯健善鬪回匪至率眾禦之自辰至未殺賊極多勇士亦死亡過半全身負重傷履塊而蹶遂被執賊愛其勇再三勸降全叱曰而翁生爲良民死爲義鬼忍從汝豕類求活乎賊支解之

李運娃高樓堡人回匪至持刀立城隅賊蟻登且恫喝之運娃植立不動連殺五人賊懼而止堡得全運娃以中鎗死眾義而葬之

張耀林，明德村人，以俠聞。粵匪入關，渭南令招之，集壯士四十餘人赴焉。先是臨潼楊升華糾眾抗糧，事敗，謀爲逆。耀林誘執之，撫軍嘉其勞，給六品軍功銀百兩。故渭南令知其能，及回匪陷邑城，耀林與其屬衛令戰死北門內。

劉茂文，茂林兄弟也。回匪圍同州，勢甚危，士民震恐。太守遣宦姓子赴潼關求援，被賊殺。因募能穿賊營持檄請兵者，不惜重賞。二人慷慨願往。茂文由南城梯而下，茂林自北門縋而出。時賊營密布十餘里，乘間抵隙，涉險履危，先後均抵關。大軍至，圍解，兄弟俱獲賞。後因驚悸卒。

曹五王，岳殿元俱武舉。同治元年，率五村人禦賊於石表鎮，受其勇，四面合圍，招令降。二人罵曰：「今日之勢，不容並立，恨不盡殲汝醜類耳！」鼓刃直前，縱橫衝突，賊皆披靡，以無援，兵力戰。

死

王登寶焦家莊人回逆入村其兄陷圍中登寶持矛衝入賊皆披靡時其兄已免而身被賊圍遂格鬪死子百成有勇力同眾禦賊敗而退適回顧不見其父詢之後至者始知耗急往救之父已死因大罵曰汝殺吾父吾忍與汝俱生耶賊攢刺之死最慘先是賊掠鄰村文童孫經典督團丁往救追至河濱奪賊馬六匹次日賊來復仇村眾戰敗而逃經典殿後與壯士焦東九俱死

丁思記字博之以孝友豪俠聞回亂時眾相率逃思記奮臂呼曰吾儕皆良民義當效死今禍在桑梓棄而不保逃將焉往我逃而寇復至猶不逃也欲與爾眾禦賊若何眾曰諾乃集團戰於雕龍鎮賊敗走眾乘勝追之止之不可遇賊大隊眾潰死

姜潮字鳳齋庠生同治癸亥奉其親避亂北山適渭南馮元佐率團勇將赴總督熙之招眾不樂戕元佐制軍命富平雷致遠往圖之致遠知潮有幹畧約共事因用間殺首謀者眾懼乃從役至慶陽制軍卽令潮率眾守環關五閱月賊不敢近以疫卒臨歿時猶屢呼殺賊云

王玉琢武生聞賊警於門內置大甕四滿注水而毒之與其子庠生廷珍及村之丁壯登屋以守及賊至兄玉璞持刀當堡門連斬數賊力竭而死賊飲藥水中毒者百餘人忿甚攻屋武生玉梁持弓矢射賊餘人以瓦擊之賊不能近積草焚屋眾俱死單炳蔚諸生賊至或勸之遁不聽強之登車行數里躍而下曰身爲團正而先眾逃是無義無勇也歸謀堵禦被執罵不絕口死最慘同村單朝翰亦全家死

鄭庚申閭錫春閭茂亭閭應時李和氣皆高陽鎮人六年春回匪陡至五人憤然率村眾數十人赴鬪自辰至午眾漸奔散五人力鬪不退爲賊所圍了無懼色賊曰降可免死五人呼曰頭可斷身不可降也復鼓刃鬪爲賊所殺臨死罵不絕口村人建小祠祀之

陳應元字取之縣令飭督興市鎮團練時鎮城屢經殘破葺理粗完值捻逆至閭城震恐商人等欲以重金納賊乞免應元曰賊何厭之有貲竭城屠無益也雖然徒死亦不可遂乃奮然孑身往賊壘告其酋張總愚曰回匪不道焚掠慘毒遺民不聊生久矣麾下能嚴戢士卒是真仁義之師也朝廷必安撫之酋喜曰君今之燭武也禮而遣之卽撤營去興鎮之不再壞緊應元是賴邑令上其事議敘光祿寺署正

嗚呼回拯之亂邑人死亡者慘不忍聞多不勝記今撮其最著者爲之傳餘則彙而錄之庶烈魂毅魄猶有姓名可稽云

戰鬪死者

王開長王鳳清王樹經王興福王步月王步信王步玉王閏喜
王閏月王喜元王或臣王令兒王興順王牛兒王景規王鳳來
王開基王開順王開芳王新喜王德榮王德智王家麟王麥成
王喜魁王二娃王成兒王家相王家成王趙兒王繼昌王抱佳
王春娃王春林黃跟伶王興莊王小莊王寬心王金木王伏兒
王尙兒王漢兒王金貴王旺兒王進寶王官保王雙喜王毓貴
王豹子王埋兒王小埋王五來王久兒王長允王存兒王喜兒
王廬兒王長福王吉成王車兒王莊兒王跟福王奇兒王庭枝
張德類劉世都安廣祿李來娃党聽吉党紀林党子英党永盛

党吉庫党吉朝党吉泰党汝奎党跟寅党吉平党萬耀党夢得
党益純党鐵鎖党長鎖曹丕績楊增武田步瀛劉濟泰王興壽
王興兒王交兒劉三元劉來兒程淺斗劉立功劉勞兒劉瑞王
王朝兒王庭槐郭官林黃官兒黃來興常學魁單需子康有祺
康永盛康金水梁鳳采車積財車積有車全積屈三良屋德良
屈貴朝梁集泰梁茂兒梁廣泰梁興兒梁亦泰梁胡兒梁別泰
梁俊才李登甲李登智李萬全李成才何正有黃告兒姚月法
李富兒張丙寅張丙純原志文原貫通原泰祥王天賜王瘦子
王忠兒王霖雨王夢筆路五棧王成名王五九史夢蘭王長兒
王茂林王謀兒王鳳離王長命王虎兒王孟魁葉文旺惠自玉
王廷家王廷相張清年程成和程登科程興東程登域王孟元
王孟儒王陽德王福考王雙考王拴牛王昌蘭王昌壽王昌化